

軍四百七十人來着秋田宮以北即言曰春  
風重合詔先入上津野教諭賊類皆令降  
服賊首七人相從同來從去八月乞降之賊  
相續不絕野心難量抑而不許今春風自入  
賊地取其降書示其首豪隨而共來以此見  
之知有降心但義從倭因等申云奉從國家  
爲賊所怨若不殄滅後必相報仇家多種何  
得不忍加之乞降者其體踈慢不叶舊例倭  
囚所陳抑有道春風所行亦不虛臣等不知  
所裁謹仰明 詔十三日乙亥 勅符出羽

因司曰得今日奏狀具知賊虜乞降之由  
夫兵凶戰危先哲炳戒事不獲已乃用之耳  
今逆虜悔過請欲改順其於容許有何不韙  
但古之降者去其甲兵面縛待命裁得制其  
死生然可謂降伏改降之法若同舊制早速  
容受飛驒奏聞隨將裁吏若懷兩端言與事  
異奮兵威一舉誅滅凡狂賊反亂爲損甚多  
殺畧良民燒亡城邑然則義從倭囚之言不  
可不反覆觀能耀兵隨撓可施莫信其虛詭  
貽晒後